

Presentacion di 3 obra literario di Jossy Tromp

Henter pueblo di Aruba pa bonbini pa asisti di diaranson 25 di maart 2015 na e presentacion di 3 obra literario na Papiamento di sr. Jossy Tromp. E presentacion aki a wordo prepara relaciona cu celebracion di Dia Internacional di Poesia y Dia Internacional di Teatro y lo tuma lugar na Biblioteca Nacional Aruba na George Madurostraat. Un di e obranan ta trata di un cuenta ficticio titula 'Tera di Waltaca', otro ta un obra di teatro yama 'Caminda di cruz' y finalmente un obra di poesia titula 'Na caminda'. E anochi literario aki yen di canto, charla y declamacion ta cuminsa 7'or y mey y tur hende ta bonbini.



Jossy Tromp, naci na Aruba na aña 1954, a studia Biologia y Ley. Den su storianan por reconoce elementonan di e cultura tradicional. Otro publicacionnan di sr. Jossy

Tromp ta: "Un anochi y otro cuenta Arubiano", 'Cetilmala y otro cuentanan Arubiano' (1988) y 'E biento di atardi y otro cuentanan Arubiano' (1998), 'E barbulet preto y otro cuenta Arubiano' (2007), 'Gabilan' (2009), 13 cuenta (2011).

Un di e obranan cu Aruba

por disfruta dia 25 di maart ta 'Caminda di cruz', un obra cu Jossy a cuminsa skirbi e manuscrito na 1979, tempo cu e tabata biba na Utrecht. 'Na caminda' ta su di dos tomo di poesia.

Ta un honor pa Biblioteca Nacional Aruba, Instituto Pedagogico Arubano y De-

partamento di Cultura Aruba pa presenta tres obra literario skirbi pa e autor Arubano mr. drs. Jossy Tromp. Ta trata di tres diferente genero di literatura esta prosa, poesia y teatro. Di e forma unico aki e autor ta demostra su versatilidad den expresion literario. Un y tur ta invita pa apoya nos cultura! □